



Pussaivladads per furmaziuns supplementaras

Il sistem da furmaziun professiunala da la Svizra porscha grondas pussaivladads, uschia che Vus pudais realisar meglier Vossa carriera professiunala. Quest fegl d'infurmaziun dat ina survista da las pussaivladads da scolaziun. Las purschidas sa basan per regla sin la furmaziun fundamentala (tud.: EFZ) ch'è renconuschida da la Confederaziun.

Perfecziunament	Qualificaziuns supplementaras e curs
Premissas	Per regla: Terminà la furmaziun professiunala fundamentala (tud.: EFZ).
Descripziun	Qualificaziuns supplementaras impurtantas èn p.ex. curs e scolaziuns en l'atgna branscha. Impurtant è era la scolaziun en furma da curs d'informatica e linguas. Singulas purschidas per sa scolar vinavant chattais Vus sut: www.berufsberatung.ch/weiterbildung
Perfecziunament	Emprendissadi supplementar scursanì
Premissas	Terminà la furmaziun professiunala fundamentala (tud.: EFZ).
Descripziun	Sche Vus avais gia terminà ina furmaziun professiunala fundamentala, lura pudais Vus absolver en ina clamada sumeglianta in emprendissadi supplementar scursanì. Cun eleger in emprendissadi supplementar engrondis Vus Vossas schanzas sin il martgà da lavur. Davart la scursanida da l'emprendissadi e davart las dispensaziuns da singuls roms decida l'inspecturat chantunal da professiuns: www.berufsbildung.gr.ch → Servetschs → L'inspecturat professiunal
Perfecziunament	In segund emprendissadi
Premissas	Terminà la furmaziun professiunala fundamentala (tud.: EFZ).
Descripziun	Empè da far in emprendissadi supplementar scursanì, pudais Vus era far in segund emprendissadi en in'otra branscha. Ils detagls stuais Vus reglar cun l'inspecturat professiunal: www.berufsbildung.gr.ch → Servetschs → L'inspecturat professiunal

Perfecziunament	Examen professiunal (tud.: Berufsprüfung BP)
Premissas	<p>Per regla: Terminà la furmaziun professiunala fundamentala (tud.: EFZ) ed intgins onns experientscha da lavur.</p> <p>Curs da preparaziun n'èn per regla betg prescrits per l'access a l'examen, mo en la pratica èn quests indispensabels.</p>
Descripziun	<p>Cun in examen professiunal obtegnais Vos ina savida dal fatg fitg profunda e qualificaziuns da manar glied. L'examen professiunal è in attestat dal fatg da la Confederaziun.</p> <p>La preparaziun d'examen succeda sper la lavur e po vegnir absolvida adina pli savens en moduls cun examens parzials.</p> <p>Singulas scolaziuns chattais Vos sut: www.berufsberatung.ch/weiterbildungsberufe</p>
Perfecziunament	Examen professiunal superiur (tud.: Höhere Fachprüfung HFP)
Premissas	<p>Per regla: Examen professiunal e pratica supplementara.</p> <p>Curs da preparaziun n'èn per regla betg prescrits sco cundiziun d'admissiun a l'examen; en la pratica èn quels indispensabels.</p>
Descripziun	<p>L'examen professiunal superiur è in diplom federal. Vos As qualifitgais da pudair manar ina fatschenta u da surprender in posiziun da cader.</p> <p>La preparaziun d'examen succeda complementarmain a la professiun e po vegnir absolvida pli e pli en moduls cun examens parzials.</p> <p>Singulas scolaziuns chattais Vos sut: www.berufsberatung.ch/weiterbildungsberufe.</p>
Perfecziunament	Scola spezialisada superiura (tud.: Höhere Fachschule HF)
Premissas	Terminà la furmaziun professiunala fundamentala (tud.: EFZ) u ina furmaziun preliminaradequata.
Descripziun	<p>La furmaziun dura 2 ni 3 onns (dependa da la scola e schebain la scolaziun è a moda cumplaina u complementara a la professiun.</p> <p>Cun la furmaziun ad ina Scola spezialisada superiura approfondais Vos Vossa savida generala e recaltgais enconuschientschas teoreticas e praticas per savair organisar e manar en ina posiziun da cader.</p> <p>Singulas scolaziuns chattais Vos sut: www.berufsberatung.ch/weiterbildungsberufe.</p>
Perfecziunament	Maturitad professiunala II (tud.: BM II)
Premissas	Terminà la furmaziun professiunala fundamentala (tud.: EFZ) e reussir la procedura da recepziun.
Descripziun	<p>La matura professiunala cumplettescha la furmaziun professiunala fundamentala cun savida generala e pussibilitescha l'access ad in studi da bachelor ad ina Scola auta spezialisada (tud.: Fachhochschule). La scolaziun è a moda cumplaina u complementara a la professiun. Cun in examen supplementar (Passerelle) u cun ina matura gimnasiala po vegnir cumenzà in studi universitar ad ina Scola auta universitara (cumpareglia il feagl d'infurmaziun da la matura professiunala!).</p>

Y:\05 BSLB\03 2012\14 BIZ\06 Merkblätter\Für Website\120327-vc-Weiterbildungsmöglichkeiten rm.docx

Perfecziunament	Scola auta spezialisada (tud.: Fachhochschule FH)
Premissas	Ina furmaziun professiunala correspondent a la maturitad professiunala u la maturitad gimnasiala cun in praticum correspondent (per regla: 1 onn). Las scolas pon dentant anc pretender atgnas cundiziuns d'admissiun.
Descripziun	Il studi da bachelor ad ina Scola auta spezialisada po esser a moda cumplina u complementara a la professiun. Savens vegnan ils praticums absolvi durant il studi. Tar las scolas autas spezialisadas vegnan era quintadas las Scolas autas da Pedagogia. Lavurantas e lavurants cun in bachelor FH èn spezialistas e spezialists bain qualifitgads ed uschia fitg tschertgads. Els sa chattan en tut ils stgalims da cader. Ulteriuras infurmaziuns chattais Vos sut: www.berufsberatung.ch/fachhochschulen

► **Ulteriuras infurmaziuns**

e sustegn survegnis Vos en il CIP (tud.: BIZ = Berufs- und Informationszentrum). L'adressa dal CIP en Vossa regiun chattais Vos sut: www.berufsbildung.gr.ch → Sur da nus → Lieu ed adressa → Cussegliaziun da professiun, da studi e carriera; e-mail: biz@afb.gr.ch